

შპს სასწავლო უნივერსიტეტ გეომედის
სტუდენტებთან ურთიერთობის სამსახურის დებულება

მუხლი 1. ზოგადი დებულებანი

1. შპს სასწავლო უნივერსიტეტ გეომედის (შემდგომში – უნივერსიტეტი) სტუდენტებთან ურთიერთობის სამსახური (შემდგომში - სამსახური) წარმოადგენს უნივერსიტეტის სტრუქტურულ ერთეულს.
2. სამსახური თავის საქმიანობას წარმართავს საქართველოს კონსტიტუციის, საქართველოს კანონის „უმაღლესი განათლების შესახებ“, შპს სასწავლო უნივერსიტეტ გეომედის წესდების, დებულების, სხვა ნორმატიული აქტებისა და ამ დებულების შესაბამისად.
3. სამსახური თავისი კომპეტენციის ფარგლებში ანგარიშვალდებულია უნივერსიტეტის რექტორის/რექტორის მოადგილის სასწავლო დარგში/აკადემიური საბჭოს წინაშე, ასრულებს საქართველოს კანონმდებლობითა და ამ დებულებით გათვალისწინებულ დაკისრებულ მოვალეობებს.
4. სტუდენტებთან ურთიერთობის სამსახურს ხელმძღვანელობს სამსახურის უფროსი.

მუხლი 2. სტუდენტთან ურთიერთობის სამსახურის ფუნქციები

სტუდენტებთან ურთიერთობის სამსახურის ფუნქციებია:

- ა. უნივერსიტეტის სტუდენტებთან და კურსდამთავრებულებთან ურთიერთობა;
- ბ. უნივერსიტეტის ქართველ და სხვა ეროვნების სტუდენტთა შორის მჭიდრო ურთიერთობების დამყარების ხელშეწყობა;
- გ. სტუდენტებთან, სტუდენტთა საინიციატივო ჯგუფებთან, სტუდენტურ ორგანიზაციებთან ურთიერთობა, სტუდენტური პროექტების და ნოვატორული ინიციატივების ხელშეწყობა და მისი კოორდინაცია;
- დ. კომპეტენციის ფარგლებში თანამშრომლობს პროფესორ-მასწავლებლებთან, უნივერსიტეტის სამეცნიერო წრეებთან, იღებს შესაბამის რეკომენდაციებს, წინადადებებს და ა.შ.;
- ე. სამსახურს უფლება აქვს უნივერსიტეტის ადმინისტრაციასთან შეთანხმებით, უნივერსიტეტის სახელით ურთიერთობა დაამყაროს ადგილობრივ და უცხოეთის სამთავრობო და არასამთავრობო ორგანიზაციებთან;
- ვ. სამსახურის მთავარ პრიორიტეტს წარმოადგენს სტუდენტთა შორის სპორტული და კულტურული მუშაობის ფართოდ გაშლა და მათი სხვადასხვა შემოქმედებით კლუბებში გაერთიანება და დასაქმება, შიდა საუნივერსიტეტო სპორტული ღონისძიებების ჩატარება, ქვეყნის შიგნით გამართულ სპორტულ შეჯიბრებებსა და საქველმოქმედო, ტურისტულ, შემეცნებით, კულტურულ ღონისძიებებში მონაწილეობა;
- ზ. უფლებამოსილია განახორციელოს საქართველოს მოქმედი კანონმდებლობითა და ამ დებულებით მასზე დაკისრებული სხვა უფლებამოსილებანი.

მუხლი 3. სტუდენტებთან ურთიერთობის სამსახურის უფროსი

1. სამსახურის უფროსს თანამდებობაზე ნიშნავს და ათავისუფლებს უნივერსიტეტის რექტორი აკადემიური საბჭოს წარდგინებით.
2. ხელმძღვანელობს სტუდენტებთან ურთიერთობის სამსახურის საქმიანობას და პასუხისმგებელია სტუდენტებთან ურთიერთობის ფუნქციების შესრულებაზე;
3. ხელს აწერს ან ვიზირებას უკეთებს სტუდენტებთან ურთიერთობის სამსახურში მომზადებულ დოკუმენტებს;
4. კოორდინაციას უწევს სტუდენტებთან ურთიერთობის სამსახურის ურთიერთობას უნივერსიტეტის სხვა სტრუქტურულ ერთეულებთან;
5. წარადგენს სტუდენტებთან ურთიერთობის სამსახურის ანგარიშს გაწეული მუშაობის შესახებ;
6. შუამდგომლობს უნივერსიტეტის სასწავლო დარგში რექტორის მოადგილის წინაშე სამსახურის ფუნქციონირებისათვის აუცილებელი მატერიალურ-ტექნიკური საშუალებების გამოყოფის შესახებ;

მუხლი 4. სპორტის მიმართულება

1. სპორტის მიმართულების ძირითად მიზანს წარმოადგენს გამაჯანსაღებელი და სპორტული ღონისძიებების მომზადება და ჩატარება უნივერსიტეტის სტუდენტთათვის.
2. სპორტის მიმართულების მიზანია უნივერსიტეტში სტუდენტების მაქსიმალურად დაკავება სპორტულ სექციებში, რათა ხელი შეეწყოს მათში ჯანსაღი ცხოვრების წესების დაფუძნებას და სხვადასხვა ღონისძიებებში მონაწილეობით უნივერსიტეტის სახელის წარმოჩინებას.
3. სპორტის მიმართულების მიზნების მისაღწევად ახდენს ახალგაზრდების მომზადებისა და გაწვრთნის ორგანიზებას, მათთვის მისაღებ სპორტის სახეობებში, პრიორიტეტული სპორტის სახეობების განსაზღვრას, სპორტული მონაცემების მქონე სტუდენტების მუდმივ სელექციას.
4. სპორტის მიმართულება ორგანიზებას უწევს სპორტული-მასობრივი და გამაჯანსაღებელი ღონისძიებების მოწყობას უნივერსიტეტის ფარგლებში და მის ფარგლებს გარეთ. თანამშრომლობს ცალკეულ სპორტის სახეობათა ფედერაციებთან და ახორციელებს კანონით ნებადართულ სხვა ღონისძიებებს.

მუხლი 5. კულტურის მიმართულება

1. კულტურის მიმართულება ახორციელებს კულტურული ღონისძიებების ჩატარებას, სტუდენტთა დაინტერესებას ხელოვნების დარგებით (თეატრალური ხელოვნება, ფერწერა, ქორეოგრაფია, სიმღერა და ა.შ.), მათი აქტიური მონაწილეობით ახალი პროექტების შექმნასა და განხორციელებას.
2. კულტურის განყოფილების მიზანია უნივერსიტეტის სტუდენტთა კულტურული მიმართულებით განვითარების ხელშეწყობა, როგორც თბილისში, ასევე საზღვარგარეთ.

სტუდენტების ხელოვნების წარმოჩინებით უნივერსიტეტის სახელის გაცნობა ფართო საზოგადოებისათვის.

მუხლი 6. ტურიზმის მიმართულება

1. ტურიზმის მიმართულება ორგანიზებას უწევს ლაშქრობებს, ექსკურსიებს სტუდენტთა დასვენებისა და განტვირთვისათვის და სხვა ღონისძიებებს.
2. ტურიზმის მიმართულების მიზანია სტუდენტებისთვის ქვეყნის ბუნებრივი პირობების შეცნობა, ისტორიულ-კულტურულ ძეგლთა გაცნობა, ქართველ და სხვადასხვა ეროვნების სტუდენტებს შორის მჭიდრო ურთიერთობების დამყარების ხელშეწყობა.

მუხლი 7. დასაქმებისა და პროფესიული განვითარების მიმართულება

დასაქმებისა და პროფესიული განვითარების მიმართულება უზრუნველყოფს:

1. სტუდენტების მონაწილეობას ზაფხულისა და ზამთრის სკოლებში.
2. სტუდენტების ხანმოკლე და გრძელვადიანი დასაქმების ხელშეწყობას.
3. სხვა ტიპის პროფესიულ და საგანმანათლებლო პროექტებში ჩართულობას.

მუხლი 8. დასკვნითი დებულებანი

1. სტუდენტებთან ურთიერთობის სამსახურის დებულებას ბრძანებით ამტკიცებს უნივერსიტეტის რექტორი აკადემიური საბჭოს წარდგინებით.
2. ამ დებულებაში ცვლილების ან/და დამატების შეტანა ხდება უნივერსიტეტის აკადემიური საბჭოს მიერ.